



Osterøy kommune
5293 Lonevåg

Att.: Ordførar Lars Fjeldstad

8. september 2022

Tilbakemelding og utfyllande opplysningar

Visar til dykkar e-post av 7. september kor de ønsker vårt syn på praktisk organisering av samarbeidsmodell mellom Osterøy kommune/Osterøy Utvikling AS og Industriutvikling Vest AS.

Først vil eg takke for førebels positiv tilbakemelding frå kommunen.

Eg svarar på dykkar spørsmål slik dei er stilt i e-posten:

Innleiingsvis vil eg uttrykke at uavhengig av korleis kommunen organiserer samarbeidet, så får vi det til på ein god måte.

1. Vil Osterøy Utvikling som avtalepart og formell utbetalar av stønaden til IUV styrke eller svekke søknaden dykkar til SIVA? Eller vil det ikkje utgjere noko forskjell?

Dersom Osterøy kommune står som formell avtalepart, vil det truleg styrke søknaden. Da føl ein same mal som andre kommunar som bidreg. Formalitetar i knytt til søknaden er kanskje ikkje det viktigaste, men erfaringar frå tidlegare visar at det er mykje lettare å kommunisera undervegs i 5-årsprosjektet dersom det er Osterøy kommune som deltek. Då slepp ein å tilleggsforklara at Osterøy Utvikling er 100% eig av Osterøy kommune m.v.

2. Er det Osterøy Utvikling eller Osterøy kommune de primært ynskjer som avtalepartner? Eller det likegyldig? (Osterøy Utvikling er jo eit selskap 100% eigd av Osterøy kommune, så slik sett kan ein jo argumentera for at Osterøy Utvikling "er" Osterøy kommune)

Ref. pkt 1 kva gjeld det formelle. Vi er opne for kven som vert den operative part, kommunen eller Osterøy Utvikling. Dersom det formelle vert mellom kommunen og IUV, kan alt anna samarbeid organiserast gjennom Osterøy Utvikling.

3. Om de primært ynskjer samarbeid med Osterøy kommune, korleis ser de for dykk av Osterøy Utvikling kan involverast i "Osterøyprosjektet" som Osterøy kommune sin utstrekke arm og de facto næringsavdeling?

Det vi kan ønske oss, er at det halvårlig vert eit dialogmøte mellom ordførar og kommunedirektør for å orientere om vårt arbeid og for å prøve å løyse felles utfordringar med næringsutvikling. Vi stiller sjølvstøtt opp dersom formannskap eller heradsstyre ønsker orienteringar frå oss. Vi set stor pris på den interesse både ordførar og kommunedirektør har vist for «Osterøyprosjektet» så langt.

Vi har eit godt samarbeid med Osterøy Utvikling og ser fram til å fortsette og styrke det samarbeidet. Skal vi få best effekt med heilskapleg næringsutvikling i kommunen, trur vi at det må vere eit godt 3-parts samarbeid mellom kommune, Industri- og næringslag og IUUV som forretningsutviklar.

Til sist kan vi opplyse om at vi kjem til å ha ei enda sterkare satsing på Osterøy i ein ny programperiode, denne gong for dei neste fem åra. I konseptet ligg det inne fleire spanande aktivitetar som særleg vil komme næringslivet på Osterøy til nytte. Ny programperiode kunngjerast 1. desember. I januar vil vi truleg presentera det nye driftskonseptet vårt.

Med helsing

Børge Brundtland
Dagleg leiar